

Ilanngussaqq R

10.13.10 Iluanaarutit, aktianik piginneqatigiiffinniit piginneqataassutit tunisinerillu (Isertitatut aningaasaliissutit)

Missingersuutit immikkoortiterneri

| | AS 2014 | M 2015 | M 2016 | M 2017 |
|--------------------------------------|-----------------|--------|--------------------|--------|
| | -- 1.000 kr. -- | | ---- mio. kr. ---- | |
| <u>Ilanngaaseereerluni isertitat</u> | -90.500 | -10,5 | -25,5 | -23,0 |

Namminersorlutik Oqartussat Grønlandsbankimi piginneqataassutaasa tamarmiusut tuniniarnerannut tapersersuisoqanngimmat IAS2014-ip aappassaaneerreqarnerani allannguutissatut siunnersuummut nr. 37-imut taarsiullugu allannguutissatut siunnersuut manna saqqummiunneqarpoq.

Allannguutissatut siunnersuutip matuma saqqummiunneqarneranut ilaatigut pissutaavoq suliffeqarfiit Namminersorlutik Oqartussanit pigineqartut, pingaartumik Royal Greenland, iluanaarutissaattut missingiinerit nalilersoqqinneqarmata, ilaatigullu pissutaalluni Namminersorlutik Oqartussat Grønlandsbankimi piginneqataassutaat Greenland Venture-mut Greenland Holding-imut 100 %-imik Namminersorlutik Oqartussanit pigineqartumut immikkoortortaasumut tunineqarnissaat eqqarsaataammat. Taamaammat Grønlandsbankimi Namminersorlutik Oqartussat piginneqataassutaanit sinneruttunit suli iluanaaruteqartoqartartussaammat isertitassatut missingiinerit aamma naliliiffigeqqinneqarput.

Namminersorlutik Oqartussat piginneqataassutanik ingerlatseqatigiiffimmut allamut Namminersorlutik Oqartussat pigisaanut tuniniaasarneq siornagut atorneqartarnikuuvoq, tassani Greenland Venture Greenland Holding-imut (taamani ISCO A/S) tunineqarmat.